



ЗАМАН



Газета издаётся на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

ХАЛКЪЛА АРАЛЫ ИНВЕСТИЦИЯ ФОРУМ Сочиде жууукъ беш жылга Россейни экономикасыны ышанлары белгиленгендиле

Тюнене Къабарты-Малкъарны Башчысы **Юрий Коков** «Сочи – 2016» Халкъла аралы инвестиция форумну пленар жыйылыуна къатышханды. «Социально – экономическое развитие России: обретение новой динамики» деген доклады бла Россей Федерацияны Правительствосуну Председатели **Дмитрий Медведев** селешгенди. Ол бир ненча магъаналы заявление этгенди:

- жууукъ жыллада кыралыбызда экономика системабызны иги да тюрлендирге керекбиз, кез туурабызда бола турган дуняа социальный эм экономика болумланы тюрлениулерине кере;

- тышандан тап керюннген, алай тутхучсуз предложенияланы жашауда бардырырга кюрешгенден эсе, биз шоклагъа къажау, аны бла бирге уа экономиканы жангыртыу болумланы кырау ишни кьолгъа алгъанбыз. Эсепле сакъланган керюмдюледен иги да мажал болгъандыла. Болумну кеси алына бошламаз ючюн кризисте



къажау онгланы системасын кырагъаныбыз аягы юсюбюзде кыалырга болушханды;

- бюджет, кьоранчла бла болса да, тыш экономикалы конъюктура бизге салган кыйынлыклагъа хорлатмайды. Бюджет файданы структурасы тюрленеди. Нефть эм газ бла байламлы болмаган хайырны ёлчеми 60 процент чакълы бирге жетгенди. Ол энди башха экономиканы юлгюсюдо;

- магъаналы бюджет политика экономиканы жангы болумлагъа келишиуюно ишексиз белгисиди;

- жараулу сырьё конъюктураны кыайтыуун сакълап тургъандан магъана жокъду. Аллай стратегия кыралыбызны артха кыалыуун, жашау даражаны тошоуюн жалчытырыкъ эди, экономикада бла социал бёлюмледе алчы жерлеге чыгыууну жолларын да жабарыкъ эди. Экономика айныу жаны бла проблемала кёбюсюнде кыралны жанындан болушлукъ бла тамамланырыкъдыла деген ышаныу да тюз туююлдо;

- кыралны биринчи жумушлары – кьоркыуусулукъ, адамгъа инвестицияла, жамауатны кыарыусуз кыауумларына болушлукъ, инфраструктура. Алагъа Россейни бюджетини структурасы да келиширге керекди.

Ол кюн КъМР-ни Башчысыны бир ненча регионну таматалары, ЮФО-да бла СКФО-да Италия Республиканы Генеральный сыйлы консулу Пьерпаоло Лодиджани бла да эки жанлы тубешуилери болгъанды.

Тубешу

Тырныауузда кыраллыкъ промышленный комплексни проектине аслам эс бёлюнгенди

«Сочи-2016» Халкъла аралы инвестиция форумну чеклеринде РФ-ни Шимал Кавказны ишлери жаны бла министри **Лев Кузнецов** бла КъМР-ни Башчысы **Юрий Коков** республиканы промышленность кьолайлыгын андан ары айнытыу жаны бла онгланы сюзгендиле.

Энчи эс кыралны кьорууланыу кючюнде стратегиялы магъананы тутхан Тырныауузда вольфрам-молибден чыкыган жерни мурдорунда кыраллыкъ промышленный комплексни проектине жашауда бардырылыуна бурулгъанды. Ол «якорь» инвестиция программаланы



тизмесине киреди. Бусагъатда «Ростех» кырал компанияны аны жашаугъа кийириу жаны бла сейирлери барды.

КъМР-ни Башчысыны бла
Правительствосуну
пресс-службасы.

Таппыкъ

Пособияланы бла законланы юсюнден - аналагъа SMS амал бла

Республиканы Саулукъ сакълау министерствосуну «СМС маме» деген социальный проектине бардырып башлагъанды. Ол битеу Россейде тамамланырыкъ жумушду, кеси да хакъсызды. Къабарты-Малкъарда уа бу проект «Саулукъ эмда айнытыу» фондну болушлугуу бла бардырылады, деп билдиргендиле министрствосуну пресс-службасындан.

Ауурлугуу болган неда сабийине бир жыл толмаган хар тиширыу да кесини хуржун телефонна магъаналы SMS-оноула, оюмла алып турурга боллукъду энди. Бу сервис дагыда алагъа деп белгиленген пособияланы, телеулене, отпускга чыгыуу бла байламлы энчиликлене, ананы бла аны сабийини саулугуун, сейирлерин кьоруулагъан законланы юслеринден да билдирип турлукъду.

Тийишли информацияны би-



лир ючюн, 5253 номерге «МАМА» деген SMS-билдириу жибериге керекди. Сервис жиберген оноулану, оюмлану, магъаналы шартланы РФ-ни Саулукъ сакълау министерствосуну башламчылыгыуу бла белгили специалистле жарашдырган-

дыла. Бююнлюкде тиширыу консультациялада эмда сабий поликлиникалада информациялы плакатла тагылындыла, аны бла чекленип къалмай, аналагъа бла ауурлукълары болган тиширыулагъа 6500 басма билдириуле юлешиниркидиле.

Х. М. Дзасежевни Къабарты-Малкъар Республиканы Сыйлы грамотасы бла саугъалаууну юсюнден Къабарты-Малкъар Республиканы Башчысыны УКАЗЫ

Кёп жылланы ишчи борчун юлгюлю толтургъаны ючюн **Дзасежев Халиф Мухамедовични** - Зольск муниципал районну Залукодес элини жер-жерли администрациясыны башчысын Къабарты-Малкъар Республиканы Сыйлы грамотасы бла саугъаларгъа.

Къабарты-Малкъар
Республиканы Башчысы

Ю. КОКОВ

Нальчик шахар, 2016 жыл 27 сентябрь, № 111 - УГ

Ангылатуу

Медколледжни студентлери газ бла цулангъандыла деген хапар бла байламлы тинтиуле бардырырга буюрулгъанды

Россейни МЧС-ини КъМР-де Баш управлениясындан белгили болгъаннга кере, Нальчик шахарны медицина колледжини 13 студентини ууланганларыны юсюнден хапар керти туююлдо. Анга да

къарамагъанлай, КъМР-ни Башчысы Юрий Коков республиканы Правительствосуну болумну тынгылы тинтирге буюргъанды. Оператив воуланганларыны юсюнден хапар керти туююлдо. Анга да

Экспедиция



Чирик кёлню 200 метр теренлигине дери тюшгендиле

Къабарты-Малкъарны Правительствосуну Председатели Мусукланы Алий эмда Черек районну администрациясыны башчысы Мыртазланы Борис батискафны ичинде Чирик кёлню эки жюз метр теренлигине дери тюшгендиле. Энишге бла ёрге жол саулай да бир сагъат бла онеки минутну алгъанды. Батискафны Орус география жамауатны Суу тубюнде тинтиуле бардыргъан арасыны толтуруучу директору Сергей Фокин жюрюте эди.

Сууну тубюнде терен жюзюп, тинтиуле бардыргъан аппарат – С-Explorer-3 – катамаран маталлы ишленипди. Кеси да бек къаты акрил материалдан жарашдырылгъанды. Ары юч адам сыйынады – эки тинтиучуу бла бир пилот. Батискаф суу тубюнде 96 сагъат турурга боллукъду.

- Энишге женгил тюшгенбиз, аппаратны ичинде хар неси да

тапды, эркинди. Терезесинден сууну тубюнде ариулукуланы керюрге боллукъду. Кёлню тубю кьошуннга ушашды, аны башында жол а карнизча алай керюнеди. Бу экспедиция регионну тарыхын теренирек ангыларгъа, бизни кыяларыбыз кыалай кыралгъанларын билдирге да себеплик этерикди, - дегенди Мусукланы Алий.

- Бизни районну тийресинде быллай магъаналы тинтиуле бардырырга онг болгъаны бек кыуандырады, - деп кьошханды Мыртазланы Борис да.

Тинтиуле октябрь айны онбешинчисине дери бардырыллыкъдыла. Ахырында уа суратладан бай китап жарашдырыллыкъды.

БЁЗЮЛАНЫ Залина,
Черек муниципал районну жер-жерли администрациясыны пресс-службасы.

АДАБИЯТ

Шауданча таза назмула бла жырла

Бу кюнледе КъМР-ни Жазыучуларыны союзу «Вертикаль» адабият салонунда акъ сёзю сыйгенле республиканы Май районуну «Родник» деген назмучу къаууму бла тубешгендиле. Ала бир бирини чыгъармаларына тынгыларга бир атлы шахарны ара библиотекасында жыйылыучудула, бу поэзия ингири да аны ишчилери къурагъандыла эм бардыргъандыла.

Жыйылыу ачхан Светлана Михайлова сёзю къабарты художник Анатолий Жиллова бергенде, ол, бийик поэзия мамырлыкны юлгюсю болгъанын айттып, кёп болмай Евгений Евтушенкога Нальчик шахарда къалай тубегенлерин эсертгенди. Ызы бла Раиса Дьяковага, ол а «Родник» къауумну таматасыды, аны юбилейи бла алгъышла, Культура министрствону атындан сыйлы грамота бла сауғалагъанды. «Литературная Кабардино-Балкария» журналны таматасы, къабарты поэт Хасан Тхазеплов а редакцияны ишчилери бу назмучулары жазгъанларын не заманда да басмаларга хазыр болгъанларын ачыкълагъанды.

Жыйылгъанлагъа ыразылыгын билдирип, Дьякова «Родник» къауумну тарыхыны юсюнден айтханды. Ол 1972 жылдан бери ишлегенин, аны Михаил Бойко ачхан, Нина Свириденко бардыргъанын да. Была районну администрациясыну болушлугуу бла бир ненча китап чыгъаргъанларын да эсертгенди:

«Майские зори» (2007 ж.), «Священная память» (2010 ж.), «Майский родник» (2012 ж.). Нальчикде китап басмачыла Мария бла Виктор Котляровла себеплик этип «Под сенью Пушкинского дуба» деген жыйымдык да дуня жарыгын

районда «Золотое перо» деген кеслерича къауумла бла шуёхлукъ жюрютгенлерин айтханды эм келгенлеге «Я с лирой Пушкина дружу» деген назмусун окъугъанды.

Библиотеканы таматасы Ольга Конова кьонакъланы атларындан Жазыу-



кёргенди.

«Песни моей души» деген китап а Владимир Каланчук макъам салгъан жыр назмуладан къуралгъанды. Аны бла бирге Раиса Дьякова Май районну поэтлери Нарткъалада «Эдельвейс», Прохладна

чуланы союзуна сауғага майскийчи художник Владимир Хохлаковну «Пушкинский дуб» деген суратын эм жюрекледе суймеклик жилтин ёчюлмесин деген белги бла жана тургъан жау чыракны оруну бла бергенди. Ызы бла Май районну



Беппайланы Муталип.

поэтлери кеслерини чыгъармаларын окъугъандыла, алагъа жазылгъан жырланы айтхандыла.

«Родник» къауумну биринчи шуёхлары уа «Поющие сердца» деген жыр къауумду. Ол Владимир Каланчукну «Мени Къабарты-Малкъарым», «Ах, судьба моя», «Майские зори» деген эм башха жырланы эшитдиргенди.

Художник, поэт, Россейни халкъ устасы Мокъаланы Владимир, «Эльбрус» китап басманы бёлюмюню тамата редактору Жамбулат Кошубаев, поэт Моттайланы Светлана да кьонакълага ыразылыкларын айта, ала нюрлю жанла болгъаларын, мамырлыкъ бла поэзия бир жолну баргъанларын чертгендиле. Жазыучу Мырзаланы Залимгерий а бу жарык кьонакъ тиширлулага атап ариу назмула окъугъанды.

МУСУКАЛАНЫ Сакинат.

КЁРМЮЧ

Энчи хатлы, къол жылыудан толу ажайып оюула

Арт кезиуде сурат ишлеу искусствону сыйген къараучу ол жаны бла, баям, кемчилик сынамайды. Нек дегенде бизде къуралгъан кёрмючле анга толу шагъатлыкъ этедиле. Бу кюнледе Нальчикде А.Ткаченко атлы музейде ачылгъан Энейланы Алёнаны «Магическая вышивкасы» да аладан бириди. Ол кеси да художникни биринчи энчи кёрмючюдю. Анга аслам адам келгени уа тиширлуу къол усталыгын кёпле билгенини, багъалагъанларыны, аны бла бирге уа анга сейирге къалгъанларыны шартыды.

Аны ишлерине къарай, эм алгъа аланы кыйын этилген да сунмайса. Ким биледи, биз быллай техника бла – мулине халыла бла накъышла салуу-школда дерслерибизде неда юйде аш отоуда хайырланылгъан жан жаулукълада кёрюп, кёзюбюз юйренгенден да болур. Алай а къолдан аллай усталыкъ, чемерлик хар тиширлуу да берилип бармайды.

кёрлюгюнг келеди. Андан сора да, ала тиширлуу табийгъатха, ол берген байлыкъга, къудуретге табыннганын ачыкълайдыла. Къайсы бирибиз суймейбиз жумушакъ киштикчкни, ит кючюкчюкню?! Биз аланы да кёребиз мында. Былайда уа



авторну жаныуарлагъа, аланы дуняларына кёз къарамын эслейбиз.

Аны «Матрона Московская», «Иверская икона» ишлери, «Венок с колибри» деген сагъаты къайсы мекамны да жасарыклары баямды. «Венеция - город на воде» чыгъармасыны тубюнде уа белгиле поэт Борис Пастернакны ол шахарга аталгъан назмусундан юзюк жазылгъаны уа къараучугъа бютюн хычыуун болгъанындан сора да, аны поэзия бла шагъырейлендире, адабиятны бла сурат ишлеу искусствону байламлыкларын да



ачыкълайды.

Алёнаны энчи къол ызы болгъанын ол кюн кёрмючге келгенлени барысы да чертгендиле. Аны юсюнден культура министр Мухадин Кумахов, Художниклени союзуна председатели Геннадий Темирганов да айтхандыла. Север Осетия – Аланиядан келген филология илмуланы доктору, профессор Галина Гацалова уа чыгъармачылыкъ төре Шимал Кавказда бютюн сакъланнганын, ол кеси да жашауубузну жаухарча багъалы заты болгъанын белгилегенди.

«Деловая Россия» жамаут организацияны регион бёлюмюню сопредседатели Евгения Васильченко уа кёрмючню иеси бла жыйырма жылдан бери шуёхлукъ жюрютгенин билдиргенди. Аны ахшы адам болгъаныны, не заманда да болушлукъ этерге хазырлыгын юсюнден да айтханды.

Живописьде, суратны фотоаппарат бла алыуда, башха тюрлю технологияла бла да портрет жанр эм кыйынна саналгъаны белгиледи. Аны себепли сейир эди Алёнаны «Мои любимые родители» деген ишин кёрген. Эм алгъа ол жаланда акъ бла къара халыдан этилген сунаса. Алай мында 24 тюрлю тюрсюн болгъанын акъылынга сыйындыргъан а кыйынды. Атасы Виктор Ильич Москаленко СССР-ни изобретатели, 42 патентни автору болгъанын эсге алсакъ, чыгъармачылыкъга суймеклик неден башланнганын да ангыларга боллукъду.

Устаны кеси бла къысха ушагыбызда ол бу хунерге - акъ къумачха тюрсюнлю халыла бла накъышла тюрсюруге - школда юйреннгенинден сора да, аны ынналарындан кёргенин айтханды. Онбешжыллыгындан бери уа аны бла тири кюрешеди. Шаркъ

стильни жаратханын (ала уа аны «Японская девушка», «Невозмутимый самурай» ишлеринде да эслендиле), юйюнде холлну да анга кёре жасагъанын билдиргенди. Хар чыгъармасын, бош алай этип кьоймай, бир белгиле затха жоралагъанын да ангылатханды. Бир суратны этер ючюн, алты айдан башлап эки жыл бла жарым чакълы заман керек болгъанын да.

Портретни юсюнден айта, чыгъармачылыкъ бла кюрешген хар адамны да жангы жолну, бирси даражаны излеген кезиюу болуучусун чертип, бу жанрда да ол алай бла келгенин жашырмагъанды. Дагыда башланган ишлери кёпдюле, алай аны мураты - Минги тауну панорамалы уллу суратын бошаргады. Ол аны бла эки жыл бла жарымдан аслам заманын кюрешеди, алыкъа жартысына окъуна жетмегенди. Жаланда ол шарт ачыкълайды тиширлуу ишлерине къаллай уллу кыйын салгъанын.

Энейланы Алёна этгенча мюйюшлю чыгъармала дуняда экинчи кере бир жерде да тубемейдиле. Аны себепли художникни атыны, аны бу ишлерини да патентлери барды. Быллай акъыл а анга юйюнде къабыргъасына бир зат тагъарга дегенинден сора келгенди.

Ол кюн къараучулары кёбюсю сыйгенди бир зат сатып алырга. Алай автор аланы аны ючюн этмегенин, болсада юйренирге итиннгенлени барысына да угъай демезлигин билдиргенди.

Сагъынылгъан кёрмюч - ол кеси да 65 суратдан къуралгъанды - экинчи октябрьге дери бардырылыкъды.

МОКЪАЛАНЫ Зухура. Суратланы ТЕМУККУЛАНЫ Амина алгъанды.



Сора быллай чыгъармаланы этер ючюн, замандан сора да, тёзюм, суймеклик да керекдиле.

Ол себепден Алёнаны «Къызыл алмала бла кертмеле», «Жилекчикле» деген ишлерини къатларына келгенинлей окъуна, ол ууакъ инжиле бла сырылгъан жемишлени къолунга алып

Брифинг

Энчи магъана - профилактикага

Быйыл апрельде Россейни Президентини оноуу бла Наркоконтрольну федерал службасыны иши тохтатылып, ол Ич ишле министрствону къауумуна кийрилгенди эмда МВД-да наркотиклени жюрютюлюуне контроль тамамлагъан Управление къуралганды.

Бу структура Къабарты-Малкъарда ишлеп башлагъанлы къаллай жумушла толтурулганларын билдирир мурат бла бу кунледе брифинг болганды. Аны Управленияны башчысы Константин Шаповаленко эмда аны орунбасары Тимур Шогенов бардыргандыла.

Константин Владимирович, тюбешиуно ача, битеу къурау жумушла тамамланганларын, районлада полицияны бөлүмлеринде энчи структурала ишлеп башлагъанларын чертгенди. «Управленияны къуллукчулары Къабарты-Малкъарда наркотиклени жайылыуларын тохтатыу жаны бла борчларын толтургуа хазырдыла. Болсада битеу бу кезиуде да республикада криминоген хал контрольда болганды.

Законланы бузуп, наркотиклени сатыу-алуу бла кюрешген 117 адам ачыкланганды. 48 адамга наркотиклени медицина бла байламлы болмаган жумушлагъа хайыр-



ланганлары ючюн административ жууапха тартыуно юсюнден материалла район бөлүмлеге берилгенди. Оператив-тинтиу ишлени хайырындан 11,7 килограмм наркотик сыйрылганды, ол санда 31 грамм героин эм 11 килограммдан аслам марихуана», - деп билдиргенди ол.

Управленияны таматасы айтханыча, жер-жерли самоуправление органла бла бирге «Мак» ведомствола аралы операция бардырылады. Аны чеклеринде уа бу уулу кырдык ёсген жерле тохташдырылып, 300 тоннасы жокъ этилгенди.

Константин Шаповаленко мындан ары да КъМР-де Ич ишле министрствода наркотиклени жюрютюлюурине контроль тамамлагъан Управленияны къуллукчула-

ры аманлыкчылага къажу жумушлары бардырырга, республикага ауур ууну келтиргенлени жолларын кесерге, реабилитация эм ресоциализация система къуаргъа хазыр болганларын чертгенди. «Болсада биз кесибиз бу магъаналы жумушлары толтураллык туюлбюз. Бизге жамауатны болушлугу керекди», - дегенди ол.

Журналистлени сорууларына жууапла бере, докладчы бююнлюкде республикада профилактика эм диспансер эсепде 1940 адам турганын билдиргенди. Аладан 116 тиширыуладыла эмда акъылбалыкъ болмаганла да бардыла - 11 жаш адам. «Наркомания бла ауругъанларыны юсюнден диагноз 943 адамга салынганды», - деп

къошханды ол.

Сёз профилактиканы юсюнден да барганды. Полициячы айтханыча, «КъМР - наркотиксиз», «Ёлюм къайда сатылганын айт» эм башха операцияла кеслерини хайырлыклары кергюзтгендиле эмда ала жашауда андан ары бардырыллыкдыла. Школла бла байламлыкга уа энчи эс бурулады, сабийле бла тюбешиуле къуралып, наркотик адамны саулугуна къаллай заран салганы анылатылады.

-Бу иште уа асламлы информация органлары магъанасы уллуду. Мындан ары да байламлыклары кючлеп, бу жууаплы ишни бирге тамаларбыз деп ышанама, - дегенди полициячы.

ТИКАЛАНЫ Фатима.

Хыйпапыкъ

Жалгъан право низамны сакълаучула жууапха тартылгандыла

РФ-ни ФСБ-сыны КъМР-де Управлениясыны къуллукчулары кеси къоркъуусуздук къалай жалчытылыннганын тинген кезиуде ведомствону ишчилерини удостоверениялары законлагъа бузуклукъ этип хайырланылганларын ачыклагандыла.

Быйыл май-июнь айлада къоншу республикадан экеулен тутулгандыла. Ала, къоркъуусуздук органлада ишлейбиз деп, федерал контроль пунктлада удостоверениялары кергюзтюп, аладан чырмаусуз ётюп тургандыла. Тинтиу ишле эм сюд экспертиза документле жалгъан болганларын кергюзтгенди. Алай бла бу адамлага уголовный материалла жарашдырылгандыла.

Ала, РФ-ни Уголовный кодексини 327-чи статьясыны 3-чю кесегине бузуклукъ этгенлери ючюн терленгендиле эмда КъМР-ни Лескен район суюнюно оноуу бла хар бири да 40 минг сом тазирге борчлу этилгенди.

РФ-ни ФСБ-сыны КъМР-де Управлениясы ведомствода ышаныулыкуну телефону ишлегенин эгертеди. (88662) 48-15-81 телефон номерге селешип, право низамны сакълаучу органны келечисини удостоверениясы бла хайырланып бузуклукъ этилгенини юсюнден билдирерге онг барды.

КъМР-де УФСБ-ны
пресс-службасы.

2016 жылда октябрь айда беш ууахты намаз къылыууну заманы

Ыйыкны кюнлери	Айны кюнлери	Эртген намаз	Кюн чык-ган заман	Тюш намаз	Экинди намаз	Ашхам намаз	Жассы намаз
Шабат	1	04:33	06:03	12:06	15:23	17:47	19:27
Ыйых	2	04:34	06:04	12:05	15:21	17:45	19:25
Баш	3	04:35	06:05	12:05	15:20	17:43	19:23
Геюрге	4	04:37	06:07	12:05	15:19	17:41	19:21
Бараз	5	04:38	06:08	12:05	15:18	17:39	19:19
Орта	6	04:39	06:09	12:04	15:16	17:38	19:18
Байрым	7	04:40	06:10	12:04	15:15	17:36	19:16
Шабат	8	04:41	06:11	12:04	15:14	17:34	19:14
Ыйых	9	04:42	06:12	12:03	15:12	17:33	19:13
Баш	10	04:44	06:14	12:03	15:11	17:31	19:11
Геюрге	11	04:45	06:15	12:03	15:10	17:29	19:09
Бараз	12	04:46	06:16	12:03	15:08	17:27	19:07
Орта	13	04:47	06:17	12:02	15:07	17:26	19:06
Байрым	14	04:48	06:18	12:02	15:06	17:24	19:04
Шабат	15	04:50	06:20	12:02	15:04	17:22	19:02
Ыйых	16	04:51	06:21	12:02	15:03	17:21	19:01
Баш	17	04:52	06:22	12:01	15:02	17:19	18:59
Геюрге	18	04:53	06:23	12:01	15:01	17:17	18:57
Бараз	19	04:55	06:25	12:01	14:59	17:16	18:56
Орта	20	04:56	06:26	12:01	14:58	17:14	18:54
Байрым	21	04:57	06:27	12:01	14:57	17:13	18:53
Шабат	22	04:58	06:28	12:01	14:56	17:11	18:51
Ыйых	23	05:00	06:30	12:01	14:54	17:10	18:50
Баш	24	05:01	06:31	12:00	14:53	17:08	18:48
Геюрге	25	05:02	06:32	12:00	14:52	17:06	18:46
Бараз	26	05:03	06:33	12:00	14:51	17:05	18:45
Орта	27	05:05	06:35	12:00	14:50	17:04	18:44
Байрым	28	05:06	06:36	12:00	14:48	17:02	18:42
Шабат	29	05:07	06:37	12:00	14:47	17:01	18:41
Ыйых	30	05:09	06:39	12:00	14:46	16:59	18:39
Баш	31	05:10	06:40	12:00	14:45	16:58	18:38

КъМР-ни Муслиманларыны дин управлениясы.

Халаппыкъ



Полициячыла интернатчылары терк-терк жокълайдыла

Чегем районда ведомстводан тышында къалауурла къыйын жашау болумга тышген жашчыкъланы бла къызчыкъланы жокълагъанлары иги төреге айланганды. Ма бу кунледе да ала черкес миллет жыйрыкны кюнюно аллында 3-чю номерли школ-интернатда болгандыла. Полициячыла окъуу учреждениага шеф болушлукъ этгенлерин айтырчады.

Мында коррекция класслада кёзлери аман кёрген сабийчикле окъуйдула. Алагъа энчи эс буругъа, болушургъа кереклиси баямды. Къалауурла алагъа саугъала бла келгенди, ахчаны уа ала

айлыкларындан жыйганларын белгилерчады. Халал адамла айтханларыча, аланы кеслерини да сабийлери бардыла, къыйын жашау болумга тышген къызчыклагъа бла жашчыклагъа себеплик этиу, жан арутуу адамлыкны шартларыдыла.

Ведомстводан тышында охранны полициячылары бу интернатха терк-терк келиучююле. Юч жылны ичинде алагъа мебель, окъуу керекле, иллюула, тешек керекле эм кёп башха затла бергенди, деп билдиргенди бизге ведомстводан.


АБДУЛЛАХЛАНЫ Фатима.

Басма

Гюржю поэзия - малкърар тилде

Нальчикде Мария бла Виктор Котляровланы китап чыгаргъан басмаларында, Гуртуланы Салих малкърар тилге кечюрюп, гюржю назмулары саугъа китабы зарфха урулганды. Виктор Николаевич билдиргенге кере, биринчи томгъа - белгили гюржю поэт Шота Руставелини «Къаплан тери кийген батыр» деген поэмасы, экинчисине уа тюрлю-тюрлю замандагы гюржюлю поэтлини назмулары кийрилгендиле.

Экинчи томгъа, аны аты уа «Руставелини жаяу жолчугъу бла» деп алайды, чыгармалары къошулгъан авторлары быладыла: Давид Гурамишвили, Бесики, Николоз Бараташвили, Илья Чавчавадзе, Акакий Церетели, Важа Пшавела, Александр Абашели, Иосиф Гришашвили, Георгий Леоидзе, Симон Чиковани, Григол Абашидзе, Гиви Дзэладзе, Нана Гвинепадзе, Шота Нишнианидзе, Гурам Петриашвили, Мзия



Хетагури, Вахтанг Харчилава, Маквала Гонашвили.


Китапла художник Мухамед Киповну гравюралары бла чыкыгандыла. Аланы басмагъа дизайнер Жанна Шогенова хазырлаганды. «Гуртуланы Салихни

кечюрююнде гюржю поэзия» атлы эмитомлукъ сагъынылгъан китап басманы «Единое культурное пространство Кавказа» деген проектине чеклеринде басмаланганды.

СЁЗБЕР

ЭНИНЕ: 1. Сютню башына чыкыгъан кесеги. 5. Биринчи малкърар композиторну аты. 7. Юйде сыйлы адам. 9. Адамны къуандырыгъа айтылгъан чам сёз. 10. Чыгармачылыкны бир тюрлюсю. 12. Саутланган жыйын. 14. Къара сёз бла жазылгъан адабият жанр. 16. Жылла санауу къанатлы. 18. Жылы аякъ кийимни бир тюрлюсю. 21. Аны бир бек излейди гюржю жырчы. 23. Сабийле сюйген адабият жанр. 25. Жаз башы жауун. 27. Италияда шахар. 28. Магъаналары башха, айтылуулары бир болгъан сёзле. 29. Киносу болгъан жыр. 30. Бек къаты къая. 31. Бек иги. 32. Къалтырауукъ ауруу. 34. Ол сынаргъа ёчдю. 35. Тиширыу ат. 37. Аллах, тейрилеге йнаныу. 38. Акъыл, оюм. 41. Жауда бишген гыржын. 43. Товарны саны кёргозтюлюп жазылгъан счет къагъыт. 48. Тиширыу ат. 50. Америкада штатны аты. 51. Билим бериучю. 52. Африкада къыралны аты. 53. Аны бла чабакъ тутадыла.

ЁРЕСИНЕ: 2. Жипиде, жерде да жашайды. 3. Уллайгъан адам. 4. Кимге да сыйлы адам. 5. Биз да ол миллетденбиз дейдиле. 6. Багъылгъан къой. 7. Жазуу керек. 8. Нартюхден къалады ол. 9. Францияда дунягъа белгили сурат музей. 11. Уруш машина. 13. Кино алдырыу искусство. 15. Лермонтовну романыны жигити бийче къыз. 17. Жабышдырыучу зат. 19. Көгетни суун къайнатхан аппарат. 20. Эртте заманда Египетде патчах къыз. 22. Гюл. 23. Полицияда ишлегенлени эрттеги тюрлюлери. 24. Гыржынны бир тюрлюсю. 26. Бусагъатда къызлагъа алай кеп атайдыла. 33. Грецияда жашагъан адам. 36. Бек гитче. 38. Телефонну къагъыт алгъан тюрлюсю. 39. Эстонияда шахар. 40. Юй аллы. 42. Къарачайда эл. 44. Телефонну алгъан ол сёз бла билдиреди тынгылагъанын. 45. Ынна. 46. Восток малкърарча. 47. Адабиятда бла искусствода энчиликни айырыу илму. 49. Юйню чигинжиси.



ГАЗЕТНИ 183-ЧЮ НОМЕРИНДЕ ЧЫКЫГЪАН СЁЗБЕРНИ ЖУУАПЛАРЫ

Энине: 7. Мамырлык. 8. Мардакем. 10. Уянганлык. 11. Чарык. 13. Апорт. 15. Къалак. 18. Хунала. 20. Турник. 21. Утагала. 22. Каин. 23. Таба. 25. Алгебра. 27. Сайлау. 28. Халыуа. 29. Анака. 32. Жаркъа. 34. Отлук. 35. Ууазчылык. 36. Къарындаш. 37. Аналадан.

Ёресине: 1. Къаурабук. 2. Урлук. 3. Тырнакъ. 4. Байлык. 5. Адакъа. 6. Чемерлик. 9. Карл. 12. Ырахатлык. 14. Партбилет. 16. Алауган. 17. Аланбек. 19. Аунау. 20. Татах. 24. Татаркъан. 26. Къуурдак. 29. Абдан. 30. Алчы. 31. Айланч. 33. Ауана. 34. Окъалы.

Ыйыкълыла гораскон

1 октябрьден 8 октябрьге деру



КЪОЧХАР. Бусагъатда бир талай заман озгъандан сора файда тюшюрлюк жумушла бла кюрешсегиз игиди. Ашыгышлы тамамлагъан ишлеригизде халатла этерге къоркыуу уллуду.



ТАНА. Тюз оюмлаугъа бойсунмай аслам иш этериксиз. Алай тегерегигизде адамла ол затха къалай къарарыкъларына да бир эс бурургъа кюрешигиз.



ЭГИЗЛЕ. Аз таныгъан адамларыгъызыны ишлери сизни агуман этерге боллукъдула. Бола тургъан затлагъа тюзюмлююлюгюз жетерик тюйюлдю, башхаланы сёзлерин да эшитирге сюерик тюйюлюсюз.



АЙЫРЫЧАБАКЪ. Жашауугъызда кеп затны жарыкъ тюрсюнде кюрюп башлагъансыз. Ол а кесигизге кёл этдирирге эмда тегерегигиздегиле кесигизни онларыгъызыны кёргозтюрге болушрукъду.



АСЛАН. Ачуланып бардыргъан ушакъларыгъыз кеп къаруугъызну аллыкдыла эм тапсыз ишлеге тюртюрге боллукъдула. Кесигизни къолда тутуп, нервларыгъызыны керексизге къозгъамасагъыз хар не да тап боллукъду.



КЪЫЗ. Бу ыйыкъ жыйылып ишни тамамларгъа тап кезиудю. Сёзсюз, алчыны ролю да сизге тап келиширикди. Жулдузла да бусагъатда хар башламчылыгыгъызда болушурча айтадыла.



БАЗМАН. Къыйын тамамлап тургъан ишлеригизни бу кюнледе билмей тургъанлай ахырларына тап жетдирип къоярыкъсыз. Алай аны бла бирге уа кесини болушлугъун сизге артыгъы бла тапдырыгъа сюйген адамгъа уа ийнанмагъыз.



АКЪЫРАП. Заманында сизни бла бир акъыллы болгъан къауумну табалсагъыз, этген муратларыгъызгъа жетериксиз. Жангызлай ишни тамамларгъа кюрешсегиз, ол бек акъырын барлыкды.



МАРАУЧУ. Берген сёзлерине кертчи болмагъан адамла бла байламлыкларыгъызыны юзерге заман жетгенди.



ТЕКЕЮЙЮЗ. Бу кюнледе сизни къатыгъызда керек заманда кёл этдире билген, билеклик тапдыргъан адамла болургъа керекдиле.



СУУКЪУЙ. Сагъшларыгъызыны жашырынлыкды тутугъуз. Ол заманда ишлеригизни тап къураиллыксыз эмда муратыгъызгъа жетиллыксыз.



ЧАБАКЪЛА. Башхаладан букдургъан кёл сезимлеригизни, къыйын эсе да, бу кюнледе да кишиге ачмагъыз. Сабыр болургъа кюрешигиз.

Учредительле: Къабарты-Малкърар Республиканы Парламенти бла Правительствоу

Баш редактор
АТТАЛАНЫ Жамал

РЕДКОЛЛЕГИЯ:

ЖАНГОРАЗЛАНЫ Нажабат
(баш редакторну орунбасары)
ТЕКУЛАНЫ Хауа
(баш редакторну орунбасары)
ТОКЪЛУЛАНЫ Борис
(жууаплы секретарь)
МОКЪЛАНЫ Зухура (культура бёлюмню таматасы)
ТИКАЛАНЫ Фатима (жамауат-политика бёлюмню таматасы)

ТЕЛЕФОНЛА:

Редакторну приёмный - 42-63-01. Баш редакторну орунбасарлары - 42-38-21, 40-04-82. Жууаплы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламлы информацияны эркинликлерин кьоруула жаны бла Къабарты-Малкърар регион инспекцияда 1994 жылда 14-чю июнда регистрация этилгенди.

Регистрация номер —Н—0066. Индекс - 51532

Газетни басмагъа КъМР-ни Басма эмда асламлы коммуникацияла жаны бла къырал комитетини компьютер службасы хазыр этгенди.

Газет "Тетраграф" ООО-ну типографиясында басмаланганды. Нальчик шахар, Ленин атлы проспект, 33

Номерге графикге кере
19.00 сагъатда къол салынады.
20.00 сагъатда къол салынганды.

ГАЗЕТНИ НОМЕРИН
ЧЫГЪАРГЪАНЛА:

Байсыланы марзият-дежурный редактор;
Кетенчиланы Зульфиа - жууаплы секретарьны орунбасары;
Зезаланы Лида - (1, 2, 3, 4-чю бетле),
Бийчеккуланы Жаннета - (5, 6, 7, 8 -чи бетле) - корректорла.

Тиражы 2100 экз. Заказ №1540
Багъасы 10 сомду

РЕДАКЦИЯНЫ ЭМ
ИЗДАТЕЛЬНИ АДРЕСИ:



360000, Нальчик шахар,
Ленин атлы проспект, 5

электронный почтасы:
elbor_50@mail.ru